

合江縣志卷四十四

古帝王志

巴蜀肇自人皇華陽國志稱爲九域之一山海經載西南有巴國太皞生咸鳥至后昭爲巴始祖然其文已荒遠難稽惟傳丹水生堯石紐生禹方輿勝覽及新唐書皆載之其地至今皆可考証至周武王時封宗姬於巴爵以子而巴之國始著伐鄧伐楚見於春秋者屢矣其後漢昭烈帝卽位於成都至後主遂亡此外如昌意之娶蜀大禹之娶塗

合江縣志

卷之四十四

帝王

三元

山帝后之傳以及列王藩封省志已備詳之矣合江本屬小邑又僻處偏隅王公侯伯之封尚亦無聞惟小江之南地名沙沱前代曾立李晉王廟至今禮祀不墜每當土人祭日巫家亦能作回瀆詞並及攻夾寨時事然雜以方言多不盡合按晉王李克用本西突厥苗裔號朱邪其地有大磧名沙沱後因以沙沱爲號以朱邪爲姓旋助唐滅黃巢其所居之地與合江風馬牛不相及也乃因稱謂畧同而一二好事者遂附會其說竟至以訛傳訛

歷數百年無異詞焉亦大謬也附辨於此以解惑焉

合江縣志

卷之四十四

帝王

甲

